

مرکز تۇزىيى:
باب ەالى جادە سەندە (اتحاد
تجارت) كىتەخانەسى

آبۇنە بىلى:

سەنەلىكى ۱۰۰ غرۇش
آلتى آيلغى ۵۰

۵۰ لىك اجىنىيە ايىپىن ۲۵ غرۇش خىم
اولونىلىدر .

دېنى، غەلىمى، ادبى، ۱۳۳۸

مەخسۇل
۱۳۳۸

بىرلەشكەن دۆلەتلىرى

صاحبى، مەدېرى، مەخسۇس:

آبۇنە قىدى مەملىكەتى ھەسەنەلىك بىرلەشكەن
وايىكىلىق آلتى آيدىن اعتباراً اجرا اولونور

فى: غرۇش

۱۰

مەخسۇس

۱۳۴۳



ادارەخانەسى:
بازىد جامع شىرىنى تەربە قاپىسى
قارشىسەندە

اسلامك نفعەنە خادىم مەقالات
مەمالتشكر قبول ونشر اولونور
يازانك شەخسىيەتلىك، يازىنكە ھەيئەت
نەزەردە تە آلتىدر .

كەن يازىلاردىن شايدان قبول كورولنار
تەسۋىخ سىياسىيەتلىك درج ايدىلىر .

كوندە رەيلە جاك آمار، اوقوناقلى
ومختصر جە يازىلار، اولمىلىدر .

جەلد

۵

عدەد

۵۱

نسخه قائل اولمایانلره کوره آیتده کی (اطاقه)
استطاعت معناسنه دکل، بلکه (ادنی درجات القدره
علی الشیء) معناسنده در. بو خصوصه لغتله استشهاد
ایدهرک دیورلرکه :

عرب ، انسانک برشیئه قدرتی صوکه درجه
ضعیف اولدینی زمان (اطاق الشیء) دیر ، یوقسه
بولفظی علی الاطلاق استعمال ایتیز .

اریاب لغت ، وسع ایله طاقت بیننی تفریق
ایدوب (وسع ، سهولت اوزره ، طاقت ایسه شدت
ومشقت ایله برشیئه قدرت معناسنده در) دیورلر .
ابوالبقا ، کلیاتنده دیورلرکه : (طاقت ، مشقتله برایش
ایشله مکه انسانی تمکین ایله بن قدرت مقدارینک
اسمیدر . آنک ایچون (لا تحملنا مالا طاقة لنا به)
قول کریمده کی طاقت (مالا قدره لنا به) معناسنه
دلده (مابه یصعب علینا) معناسنده در . تورکجه ده
(طاقم طاق اولدی) دهنیلیرکه (کوچم قالمدی)
دیمکدر .

شوحالده (اطاقه) مصدری استطاعتک ضعفه
اوغراماسی، زواله قریب بردرجه به کلسی معناسنی
افاده ایتیش اولور .

بوتحلیله نظراً (وعلی الذین یطیقونه فدیة) آیت
جلیله سنک معناسی (طاقتنک صوکنی ، وسعنک
نهایتی صرف ایدرک شدت و مشقتله اوروچ طوتابیلنلره
فدیة واجبدر .) دیمک اولیورکه بوزمره مکلفین
ایله مراد الهی ، شیخ فانیلردر . زیرا شیخ فانیلر
نه تماماً مستطیع ، نه ده تماماً عاجز ، بلکه ایکینسی
اورته سی در . انک ایچون و (علی الذین یستطیعون)
ویا خود (علی الذین یعجزون) تعبیر اولمایوب ده
(وعلی الذین یطیقونه) تعبیر بیورلسی بلاغت قرآنیه
ایجاباتنددر .

حنفیلره کوره : شیخ فانییه فدیة نک وجوبی
آیتک بومعناسنه نظراً ثابت اولمشدر .

کذلک (سرایلهم من قطران) آیت جلیله سنده کی
(قطران) ی حضرت حسنک برکره بیلدیکمز ،
ده ویه سورولن قطران ایله ، دیکر دفعه ده اریمش
باقیر ایله تفسیر ایله دیکنی روایت ایدرلر . کرچه
بوده برتخالف منظره سی اراء ایدر سه ده ایکی تفسیردن
هر برینک برقراشه مستند اولوشی او توهمی ازاله
ایدر . مثلاً : اولکیسی (قطران) غیر منصرف
اولماسی اوزرینه منی ، ایکنجیسی تنوین ایله منصرفاً
قراشته مبتدیر .

مروی اولدیغنه کوره ابن عباس (اولا مستم
النساء) نظم جلیلنده کی (لامستم) ی بعضاً (جامعتم)
ایله ، بعضاً ده (ال ایله دوقونمق) معناسنه (جس
بالید) ایله تفسیر ایله مشدرکه برنجی تفسیر (اولامستم)
ایکنجی تفسیر ایسه (اولستم) قرائتی اوزره در .
اختلاف صوری مباحثی بوراده ختامه ایردیکندن
کله جک نسخه ده اختلاف حقیقی مباحثه کیریشیله
جکدر .

الهیات فاکولته سی تفسیر و تاریخ تفسیر مدرسی

برغمی هودت

اوروج مسئله سی حقنده

اچن نسخه دن مابعد

عدم نسخ مسئله سنه کلهجه : اجلة صحابه کرآمدن
(عبدالله بن عباس) حضرت تبری (وعلی الذین یطیقونه
فدیة) آیت جلیله سی منسوخ دکلدر ، آنحق
مشقتله اوروچ طوته بیلن اختیار ارکک و قادینلر
حقنده در) دیور .

بو آیتک شیخ فانی حقنده اولدینی (امام علی)
کرم الله وجهه افدیمز ایله (عبدالله بن عمر)
حضرت تدرندن ده مرویدر .

ایشته بونک ایچون حنفیلر ایله شافعیلر ، بو آیت
جلیله نک منسوخ اولیوب شیخ فانی حقنده نازل
اولدیغنه حکم ایتیشلردر .

نتیجه: كرك آيتك منسوخيتنه و كرك شيخفانی
حقنده نزولنه قائل اولونسون، اصحاى مقيميناك
رمضانده عينا اوروج طومالرى فرضدر. آنلك
فديه ايله اوروجدن قورتولملى ايجون مساع شرعى
يوقدر. نصوص دينيه ايله متواتراً نقل اولنه كن
سنت عمليه بو خصوصى صورت قطعيده بيلدیرمش
اولدينى كى بويانده اجتماع امتده انعقاد ايتشدرد.
بورايه قدر (يطيقونه) آيت جليله سنده نسخه
قائل اولانلر ايله اوليانلرك نقطه نظرلى وبومستله نك
ماهيت شرعيه سى تماماً كشف وايضاح اولوندقدنصكره
عبيداه افندى ايله سليمان نظيف بكة جواب ويرمك ايتسترم:

امكيلي محمد عاطف

تصحیح
چكن نسخه ده ۲۳ نجى صفحه نك ۱۵ نجى سطرندن
آشاغىكى عبارتده شيله اولاجقدر:
«باشقه آيلردن او قدر كونلر اوروج طومالرينه
سورة بقره نك (۱۸۴) نجى آيت جليله سيله رخصت
ويرلمشدر».

ابراهيم عليه السلام حقنده بر استيضاح

اسماعيل حق بك افندى به

۱

محترم افندم

توحيد افكارك ۹ و ۱۰ حيزران ۳۴۰ تاريخلى
نسخه لرنده منتشر (حضرت ابراهيم عليه السلام
توركدرد) عنوانلى بر تتبعنامه كزى او قودم، بعض
جهتلرندن فوق العاده مستفيد اولدم. بوندن طولايى
عرض تشكر ايدرم. يالكز آكلایاماديغم، عدم
تفهيم طولايى سيله ده قبولنده متردد، حتى معذور
قالديغم بر بحثى حقنده ذات عاليكزى تصديعه مجبور
اولدم. اقسام سائرهمسى ايجينده وارسين اربابى بيان
مطالعه ايتسين.

توراتك بخت نصر اردوسى طرفندن احباء كاتب
عزرائك يازدينى نسخه نكده مؤخرأ اضاعه ايديلمش

اولدينى بيان ايله برابر (موجودلرك اصلنه اولان
توافقتى قبول ايتك برآز مشكل ايسه ده منقولات
تاريخيه قسمنى عينا و حرفياً دكلسه بيله مالا قبولده
مخدور مطالعه) ايتمه ديكلركزى سويليورواوكتابك
منقولات تاريخيه سندن حضرت ابراهيمك حرمى
(سارا) نك جناب خليل الله ايله بابا بر قاردهش
اولدينى استخراج ايديور، (حال بوكه) (سارا)
عيني زمانده مشاراليه حضرت تليينك لاب قيز قرداشيدرد.
يكرمنجى فصلك اون ايكنجى آيتى صراحة
كوسترييور. آيت ۱۲ «ودخى كركك كه قيز قرداشم
بابامك قيزيدرد، اما آنامك قيزى دكلدر وبكازوجه
اولدى» بوندن آكلاشيليوركه او وقتلر ممنوعيت
يالكز لام قيز قرداشلر ايجونمش. لاب قيز قرداشلر
ترويج ايديليوردي (بويورويورسكز).

شو نتیجه، ذهني غيقلادی. بناء عليه
ابوالفدا تاريخنى آچدم. (ذكر ابراهيم الخليل
صلوات الله عليه) فصلنده (وهو ابراهيم بن تارح
وهو آزر) دنيلدكن، قرآنده كى (آزر) ايله
توراتده كى (تارح) ك عين ذات اولدينى حقنده كى
افاده عليه كز تصديق ايديلدكن صوكرا (وآمنت به
زوجته سارة وهى ابنة عمه هاران) يعنى «حضرت
ابراهيمى، زوجهمسى وعمجه سنك قيزى ساره تصديق
ايتدى» معلوماتى ويريلديكى كوردم.

صوكرا (ابن جرير طبرى) تاريخنك مطبوع
توركه ترجمه سنى قاريديردم، اورادهده شوسطرلى
بولدم:

(ابراهيمك بر عميسى وار ايدى. آنك آدينه
هاران ديرلر ايدى. بو، هارانك بر قيزى وار ايدى.
آدينه ساره ديرلر ايدى. شويلاه كم اول زمانده
آندن لطيف و آندن كوزل خاتون يوغيدى. ابراهيمه
ايمان كتوروب مسلمان اولمشيدى. ابراهيم آنى
آلوب زوجه ايدنمشيدى).